

Saksprotokoll i fylkestinget - 05.03.2019

Fylkesordføreren gav slikt svar:

«Det er Utdanningsdepartementet som godkjenner frittstående skular og driftsendringar ved etablerte frittstående skular, jf friskolelova § 2-1. Det er også Utdanningsdirektoratet som har tilsynsansvar for dei frittstående skulane, jf friskolelova § 7-2.

Raudt ved Jeanett Syversen viser til at tilsyn utført av Utdanningsdirektoratet har avdekka forhold ved drifta ved dei to private skulane BPG og MA som er i strid med friskulelova. Det er friskulelova §§ 7-2a og 7-2b som regulerer moglege reaksjonsformer når det vert avdekka forhold som er i strid med friskulelova.

Reaksjonformene er:

- Gje pålegg om å rette på forholda.
- Halde attende tilskotet.
- Dra attende godkjenninga.
- Krevje tilbake for mykje utbetalt tilskot eller krevje tilbake tilskot som er brukt i strid med lov og godkjenning.

Utover dette opnar friskulelova § 7-2b for at det kan påleggast karantene retta mot skulen og/eller personar som er ansvarlege for drifta. Dersom brota klart svekker tillita til at skulen, eller til at den ansvarlege personen er eigna til å drive skulen i samsvar med regelverket. Det er direktoratet som har mynde til å pålegge karantene.

Raudt ved Jeanett Syversen seier i sitt spørsmål at Utdanningsdepartementet ved fleire tilsyn som gjeld perioden 2005-2014 har avdekka forhold som er i strid med friskulelova. Vidare seier ho at Utdanningsdirektoratet har kravd at dei to skulane skal betale tilbake tilskot.

Raudt ved Jeanett Syversen ønskjer at Fylkesordføreren tek initiativ overfor Utdanningsdirektoratet for at ytterlegare reaksjonar etter friskulelova § 7-2 a skal iverksetjast.

Fylkesordføreren ber fylkesrådmannen om å fremme en sak til handsaming i fylkestinget i juni der desse spørsmåla vert drøfta.»